

Projekat « PUTEVIMA EU » je finansiran uz podršku Evropske unije kroz program "Evropa za građane"

Primjenjivo na Oblast 2.2 - Mjera umrežavanja gradova
Oblast 2.3 - Mjera projekata organizacija civilnog društva
Oblast 1 - Evropsko sjećanje

OPŠTI CILJ PROJEKTA: Doprinijeti jačanju osjećaja pripadnosti EU među sadašnjim i budućim građanima EU u Balkanskim zemljama, podizanjem nivoa informisanosti i znanja o EU i pravima evropskih građana, te promovisanjem interkulturalnog dijaloga, međusobnog razumijevanja i volonterstva na nivou Unije.

SPECIFIČNI CILJEVI PROJEKTA:

1. Povećati svijest i razumijevanje građana o evropskim građanskim pravima i važnosti demokratskog učestvovanja u procesu odlučivanja, te kreiranja Unije po mjeri njenih građana u zemljama koje su zastupljene projektom (Sloveniji-koja je već duže vrijeme članica EU, Hrvatskoj-koja je nedavno postala članica EU, Srbiji, Crnoj Gori i Bosni Hercegovini-zemljama kandidatkinjama za članstvo u EU)
2. Promovisati razvoj volonterstva na nivou Unije
3. Povećati nivo svijesti o trenutnoj migrantskoj krizi u Europi

CILJNE GRUPE: PREDSTAVNICI LOKALNE VLASTI - će ojačati svoje kapacitete za bolje razumijevanje EU integracija i procesa, saradnje i partnerstva; CIVILNO DRUŠTVO - kao jedan od glavnih nosilaca razvoj građanskih prava i građanske participacije; MLADI (od 18 do 30 godina starosti) - koji lakše prihvataju procese promjena, poštujući jednakosti, toleranciju, spremni su na saradnju i aktivno učestvovanje u procesima EU politika; PREDSTAVNICI NACIONALNIH MANJINA - svi partneri na projektu su zemlje bivše Jugoslavije, sa različitim shvatanjima pojma multikulturalnosti i međusobne tolerancije, predstavnici ove ciljne grupe će biti aktivno uključeni u projekat, kao jedni od učesnika u procesu donošenja odluka u svojoj lokalnoj zajednici, boljeg razumijevanja EU procesa i kreiranja jedinstvenog Evropskog identiteta. KRAJNJI KORISNICI: Stanovništvo opština i gradova koji učestvuju u projektu i šira populacija zemalja partnera na projektu.

Ključna poruka projekta je da će se pet opština i gradova povezati i planirati dalje aktivnosti na tragu EU politika, što će doprinijeti i stvaranju osjećaja Unije po mjeri građana.

Trajanje projekta od 01/06/2016 do 30/06/2018

Trajanje aktivnosti od 01/07/2016 do 30/11/2017

Vrijednost projekta 107.500,00 EUR

Događanja koja su provedena u okviru ovog projekta:

Događaj 1: Početna konferencija u općini Erdut

Učesnici: Događaj je uključio 60 građana, uključujući 29 međunarodnih učesnika, iz opštine Sremski Karlovci (Srbija) 5 učesnika, iz grada Doboja (Bosna i Hercegovina) 8 učesnika, iz opštine Danilovgrad (Crna Gora) 8 učesnika, iz opštine Novo Mesto (Slovenija) 8 učesnika, te 31 lokalni učesnik.

Mjesto / Datum: Događaj se odvijao u općini Erdut, mjestu Dalj (općina Erdut, Hrvatska), od 02/09/2016 do 04/09/2016. Događanje su organizovali općina Erdut i Poduzetničko-razvojni centar općine Erdut lokalna razvojna

agencija d.o.o.

Kratki opis: Cilj konferencije je bio osnažiti manje jedinice lokalne zajednice za razumijevanje EU integracija, kao i detaljnije se upoznati sa konceptom umrežavanja, te razmišljati o potrebama vlastite lokalne samouprave i načinima učestvovanja građana u procesu odlučivanja na lokalnom nivou. U okviru konferencije održane su panel rasprave: „Eu integracije“, „EU i njena budućnost“, „Participativna demokratija“, te radionica “Migrantska kriza u Europi i radionica za mlade “Kakva bi bilo tvoja EU država”. Događanje je obuhvatilo ukupno 60 učesnika od kojih su 29 međunarodni učesnici, poslani od strane partnera na projektu. Potpisan je i sporazum o partnerstvu u sprovođenju projekta PUTEVIMA EU. Na konferenciji su jasno definirana i prioritetna područja partnera od zajedničkog interesa, te će se jačanje partnerstva i saradnje nastaviti i na drugim poljima, a to su:

- Poljoprivreda, razvoj konkurentnih poljoprivrednih proizvođača
- Razvoj turizma, s posebnim osvrtom na specifične oblike turizma kontinentalnih područja
- Razvoj ljudskih potencijala, poboljšanje dostupnosti informacija
- Zajednički razvoj civilnog sektora (sport, kultura, zaštita okoline)
- Nacionalne manjine.

Događaj 2: Konferencija “Prava građana u EU”

Učesnici : Događaj je uključio 77 učesnika, uključujući 28 međunarodnih učesnika - iz općine Erdut 8 učesnika (Hrvatska), iz grada Doboja (Bosna i Hercegovina) 8 učesnika, iz opštine Danilovgrad (Crna Gora) 3 učesnika, iz općine Novo Mesto (Slovenija) 9 učesnika, te 49 lokalnih učesnika.

Mjesto / Datum: Događaj se odvijao u opštini Sremski Karlovci (opština Sremski Karlovci, Srbija), od 09/12/2016 do 11/12/2016. Događanje su organizovali opština Sremski Karlovci i udruženje Dunav 1245 Sremski Karlovci.

Kratki opis: Cilj događaja je bio da se učesnici na konferenciji i širi auditorijum upoznaju sa pravima građana u Europskoj Uniji, obzirom na da su partneri i zemlje koje su u procesu integracije u EU. U okviru konferencije održan je “Evropski caffè” sa ukupno 7 radionica, a to su: “Povelja o temeljnim pravima i besplatna pravna pomoć”, “Migrantska kriza”, “Koja prava imam kao evropski građanin”, “Putovanje unutar teritorije Europske Unije, pravo na boravak, pravo na rad”, “Vaša socijalna i politička prava” i “Dijalog s građanima”. Održana je i radionica “Razvoj regionalne saradnje” na kojoj su partneri obradili teme regionalne saradnje u oblasti start-up programa, ruralnog razvoja, te koji su EU formati za regionalnu suradnju. Potpisan je o Protokol o suradnji između dva partnera na projektu, predstavnika civilnog društva Udruženje Dunav 1245 (Srbija) i udruge za razvoj volonterskog rada DPRDNM Novo mesto (Slovenija).

Događaj 3: Seminar “Instrumenti i inovativni alati za oblikovanje programa participativne demokratije- Civilni Dijalog”

Učesnici: Događaj je uključio 60 građana, uključujući 27 međunarodnih učesnika, iz općine Erdut 7 učesnika (Hrvatska), iz opštine Sremski Karlovci (Srbija) 7 učesnika, iz opštine Danilovgrad (Crna Gora) 6 učesnika, iz opštine Novo Mesto (Slovenija) 7 učesnika, te 33 lokalna učesnika.

Mjesto / Datum: Događaj se odvijao gradu Doboju (grad Doboje, Bosna i Hercegovina), od 03/03/2017 do 05/03/2017. Događanje je organizovao grad Doboje.

Kratki opis: Cilj događaja - seminara je bio uspostaviti saradnju između javne vlasti i civilnog sektora, te ojačati kapacitete civilnog društva, kao glavnog nosioca demokratskih procesa. Na događaju je obrađeno pet tema kroz radionice: “Što je to civilni dijalog i ko ga sprovodi”, “Saradnja civilnog društva i javnog sektora”, “Dijalozi sa građanima”, “Civilni dijalog za sve”, te javna rasprava “Migrantska kriza”. Partneri su iznijeli svoja iskustva u vezi postojećih modela saradnje između javnog i civilnog sektora, te iznosili pojedinačne primjere saradnje.

Događaj 4: Seminar “Instrumenti i Inovativni alati za oblikovanje programa participativne demokratije- Europska građanska inicijativa”

Učesnici: Događaj je uključio 59 građana, uključujući 31 međunarodnog učesnika, iz općine Erdut 9 učesnika (Hrvatska), iz opštine Sremski Karlovci 7 učesnika, iz grada Doboja 8 učesnika (Bosna i Hercegovina), iz opštine Novo Mesto (Slovenija) 7 učesnika, te 28 lokalnih učesnika.

Mjesto / Datum: Događaj se odvijao u opštini Danilovgrad (opština Danilovgrad, Crna Gora), od 26/05/2017 do 28/05/2017. Događanje je organizovala Opština Danilovgrad.

Kratki opis: Cilj događaja - seminara je bio upoznati se sa novim i inovativnim alatima i procesima za oblikovanje programa participativne demokratije kroz različite mehanizme od kojih je jedan i Evropska građanska inicijativa. Na seminaru su obrađene sljedeće teme: "Migrantska kriza u Evropi", "Evropska građanska inicijativa-osnovne informacije", "Evropska građanska inicijativa-primjena u praksi", "Inicijative građana" i "Inovativni kanali elektornskog učestvovanja građanja".

Događaj 5: Volonterski kamp Novo mesto

Učesnici: Događaj je uključio 62 učesnika, uključujući 31 međunarodnog učesnika, iz općine Erdut 7 učesnika (Hrvatska), iz općine Sremski Karlovci 8 učesnika, iz grada Doboja 8 učesnika (Bosna i Hercegovina), iz općine Danilovgrad (Crna Gora) 8 učesnika, te 31 lokalnog učesnika.

Mjesto / Datum: Događaj se odvijao u općini Novo mesto (općina Novo mesto, Slovenija), od 19/07/2017 do 23/07/2017. Događaj je organizovala Udruga za razvoj volonterskog rada DPRDNM Novo mesto.

Kratki opis: Cilj događaja je stvoriti pretpostavke za formiranje volonterske mreže u zemljama partnerima na projektu, kao i aktivno učestvovanje mladih osoba koji služe svojoj lokalnoj zajednici. Glavne teme kampa su volonterizam, koji je uključio praktičan rad na terenu, migrantska kriza sa primjerima dobre prakse, te perspektiva mladih u Evropi i aktivno građanstvo. Na kampu su održane sljedeće panel diskusije: „Uloga volonterizma u današnjem vremenu“, „Migracije kao put mogućnosti za razvijanje lokalnih zajednica“, radionice: „Upotreba digitalnih alata za prenošenje poruka“, „Oslikavanje majica“, „Didaktičke igre“, „Sportske aktivnosti“, volonterski rad na terenu „Otroški svijet“, pravljenje klupe „Caring is sharing“, plesne radionice, primjeri dobre prakse EU projekata na području općine Novo mesto, te međukulturalne večeri. Mladi su imali priliku da se upoznaju, istraže svoje lične ciljeve i potencijale, dobiju nova znanja i vještine, istraže grad, uspostave neposredne kontakte sa tražiocima azila i volonterima, te usvoje različite načine i metode za podizanje svijesti o datim temama kao i razbijanje predrasuda i stereotipa u našem društvu.

Mladi koji su učestvovali u Volonterskom kampu su dobili različite kompetencije, pored socijalnih vještina za efikasnije međuljudske odnose (komunikacione i socijalne vještine), vještine za rješavanje konflikata, sposobnosti prihvatanja različitih kultura (medjusobno razumijevanje), vještine saradivanja, učenja učenjem, pokretanja, podizanje kulturne svijesti i osjećaj volonterizma.

Događaj 6: Završna konferencija i javna rasprava "Kakvu Europu građani žele"

Učesnici: Događaj je uključio 60 građana, uključujući 30 međunarodnih učesnika, iz općine Sremski Karlovci (Srbija), 8 učesnika, iz grada Doboja (Bosna i Hercegovina) 6 učesnika, iz općine Danilovgrad (Crna Gora) 8 učesnika, iz općine Novo mesto (Slovenija) 8 učesnika, te 30 lokalnih učesnika. Događaj je organizovala općina Erdut i Poduzetničko-razvojni centar općine Erdut.

Mjesto / Datum: Događaj se odvijao u općini Erdut (općina Erdut, Hrvatska), od 29/09/2017 do 01/10/2017. Organizator događanja je Poduzetničko-razvojni centar općine Erdut lokalna razvojna agencija d.o.o. i općina Erdut.


Kratak opis: Cilj aktivnosti je bio predstavljanje rezultata projekta, održanih događaja u svim zemljama partnerima na projektu, nove inicijative za zajedničke projektne ideje, te stvaranje pretpostavki za održiva partnerstva i rad na zajedničkim projektima.

Rezultati projekta:

- 378 učesnika - direktnih krajnjih korisnika je steklo međunarodno iskustvo i ojačalo partnerstvo širom Evrope,
- 30.000 lokalnih stanovnika, predstavnika lokalnih vlasti i organizacija civilnog društva je informisano o aktivnostima projekta,
- 62 volontera je steklo međunarodno iskustvo i aktivno je uključeno u rad svoje zajednice,
- Održano je 6 događanja, 1 okrugli sto, 5 panel rasprava i 25 radionica u 5 zemalja partnera na projektu sa temama EU, umrežavanja, volonterstva, migrantske krize i alata za oblikovanje participativne demokratije,
- Potpisan je sporazum o partnerstvu i stvoren portfolio zajedničkih projektnih ideja,
- Potpisan Protokol o saradnji između dva partnera na projektu, predstavnika civilnog društva Udruženje Dunav 1245 (Srbija) i udruge za razvoj volonterskog rada DPRDNM Novo mesto (Slovenija),
- Projekt je promovisan u medijima (radiju, TV, web stranici projekta <http://putevimaeu.com.hr/> i web stranicama općina partnera na projektu, te facebook stranci projekta <https://www.facebook.com/putevimaeu/>),
- Izrađen je vizualni identitet projekta, 1000 komada letaka o projektu, 400 komada hemijskih olovki sa logom projekta, 400 komada fascikala s logom projekta, 400 komada USB stick-ova s logom projekta, 400 komada

informativnih brošura s tematikom: Prava građana u EU, Europska građanska inicijativa, dijalog sa građanima, civilni dijalog, EU parlament, 400 komada brošura o događajima u svakoj zemlji, 70 majica sa logom projekta.

- Krajnji rezultat projekta je umrežavanje i povezivanje sedam partnera iz pet zemalja, zbliženi EU građani različitih nacionalnosti, te stvorene pretpostavke za održiva partnerstva i rad na zajedničkim projektima, što je doprinijelo i stvaranju Unije po mjeri njenih građana.



Kratak video sa fotografijama sa projekta može se pronaći u linku ispod:

https://www.youtube.com/watch?time_continue=13&v=PgK6UDqsnRk

Putevima EU

01.07.2016. do 30.11.2017.



Sufinancira Europska
unija u okviru programa
Europa za građane